



L/S DIRKIE UYS
www.ldu.co.za



Skoolreëls

Skoolreëls en gedragskode: LDU

1. INLEIDING:

- 1.1 Hierdie reëls is opgestel deur die Beheerliggaam van die skool en het die bevordering van leerders se sedelike, geestelike en dissiplinêre vorming, die handhawing van goeie orde in die skool, die erkenning van die gesagstrukture en die uitbouing van die skool se goeie naam ten doel.
- 1.2 Leerders moet hul deeglik op hoogte stel van die inhoud en betekenis van die reëls asook enige wysiging of toevoegings daaraan.
- 1.3 Leerders moet al die reëls nakom. Oortreding of verontagsaming stel leerders bloot aan strafmaatreëls wat deur die hoof toegepas of gemagtig word.
- 1.4 Met hierdie reëls word slegs die breë beginsels/doelstellings uitgespel. Die Skoolhoof en Beheerliggaam behou die reg om fyner besonderhede te verskaf en toe te pas.

2. ALGEMENE REËLS:

- 2.1 Geen leerder mag hom skuldig maak aan optrede of gedrag wat, volgens gedragskode, die goeie naam van hierdie skool oneer aandoen of inbreuk maak op die regte van mede-leerders nie.
- 2.2 Alle leerders moet die weeklikse saalbyeenkomste bywoon. Slegs leerders wie se ouers of voogde vooraf skriftelike toestemming van die hoof verkry het, mag van die godsdienstige gedeelte van die saalbyeenkoms verskoon word.
- 2.3 Geen leerder mag minagtend teenoor die RSA se nasionale simbole of die skool se kodes optree nie.

Skoolreëls en gedragskode: LDU

3. GEDRAG EN OPTREDE VAN LEERDERS:

- 3.1 Elke leerder moet elke opdrag wat uit hoofde van hul ampspligte deur die onderwyser/es of die hoof aan hom gegee word stiptelik nakom.
- 3.2 Leerders moet die skool tydens vasgestelde skoolure stiptelik mende persoon in die hoof se plek sonder verlof die skoolterrein verlaat nie.
- 3.3 Leerders wat na die amptelike aanvangstyd by die skool opdaag, moet hulle eers persoonlik by die kantoor aanmeld voordat hulle by die klas aansluit.
- 3.4 Leerders mag nie mede-leerders se liggaamlike welsyn benadeel of in gevaar stel nie en mag nie wapens of gevaarlike stowwe/ materiaal in besit hê nie.
- 3.5 Leerders mag nie rook, alkoholiese drank, dwelmmiddels of opkickers gebruik nie en mag nie aanstootlike leesstof of materiaal besit of uitdeel nie.
- 3.6 Geen klasvergaderings of samekomste word sonder amptelike goedkeuring toegelaat nie.
- 3.7 **Geen leerders mag 'n ander leerling se reg van onderrig ontnem nie.**

Skoolreëls en gedragskode: LDU

4. ALGEMENE GEDRAG:

- 4.1 Geen leerder mag die skool se hoofingang gebruik nie.
- 4.2 Geen leerder mag na skool, oor naweke, of gedurende vakansies sonder verlof die skoolgebou binnegaan nie.
- 4.3 **Ordelikheid, stiptelikheid en stilte is 'n vereiste wanneer leerders aantree en verdaag of van lokale verwissel.**
Spesifieke reëls word hiervoor neergelê en mag van tyd tot tyd gewysig word.
- 4.4 Leerders moet deelneem aan die voorgeskrewe opvoedingsprogramme tensy vrystelling deur die Onderwysdepartement verleen is.
- 4.5 Leerders moet alle skoolfunksies soos deur die skool bepaal bywoon tensy daar goeie rede vir afwesigheid is.
- 4.6 Wanneer leerders by buitemuurse skoolbedrywighede aansluit, moet hulle hul verpligtinge en verantwoordelikhede in verband daarmee getrou nakom, tensy hulle betyds vooraf deur die betrokke onderwyser/es daarvan vrygestel is. Leerder moet betyds by sy betrokke onderwyser/es skriftelik verskoning maak.
- 4.7 Ten alle tye moet akademie voorrang bo enige ander aktiwiteite geniet.
- 4.8 Die skool aanvaar geen verantwoordelikheid vir die wegraak of diefstal van enige waardevolle artikels of speelgoed wat deur die leerders skool toe gebring word nie.
- 4.9 **Leerders verskyn nie voor 15:30 namiddag op straat sonder 'n grondige rede nie, georganiseerde sport uitgesluit.**

Skoolreëls en gedragkode: LDU

4.10 BEWEGING IN DIE GANGE:

4.10.1 Daar word nie gesels nie.

4.10.2 Stap flink en netjies agter mekaar en nooit met hande in sakke nie.

4.10.3 Ons stap aan die linkerkant van die trap of gang.

4.10.4 **Wanneer 'n klas voor julle verby beweeg, wag julle totdat die ry verby is voordat jul beweeg.**

4.10.5 Daar word nooit in die gange of portaal gespeel nie.

4.10.6 Boeksakke word voor skool en gedurende pouses netjies in rye buite by onderskeie graad gesit. Op reëndae moet tasse in gange voor klasregister gesit word.

4.11 IN DIE KLASKAMER:

4.11.1 Geen aantekeninge word in die handboeke gemaak nie.

4.11.2 Alle handboeke moet volgens die standaardvoorskrifte van die skool oorgetrek word. Alle skryfboeke volgens die voorskrifte van die betrokke opvoeder.

4.11.3 **Voordat 'n leerder die skool verlaat moet alle hand-, en biblioteek boeke by die betrokke klasonderwyser/es ingehandig word.**

4.11.4 **Daar heers ten alle tye 'n leeratmosfeer, ook wanneer die onderwyser/es nie daar is nie.**

Skoolreëls en gedragkode: LDU

- 4.11.5 Wanneer die klok pouses lui, kry die leerlinge hulle versnaperinge en staan ordelik, agtermekaar.
- 4.11.6 Sodra die klok lui, verdaag die klas ry vir ry.
- 4.11.7 **'n Klaskamer word altyd ordelik verlaat.**
- 4.11.8 **Daar word nie opgespring wanneer 'n vraag gevra word nie** – slegs die hand word opgesteek. Ons klap ook nie die vingers nie.
- 4.11.9 Indien leerders van tydelike deelname aan fisiese aktiwiteite **verskoon moet word, moet hul ouers/voog vooraf 'n skriftelike versoek rig aan die verantwoordelike onderwyser/es.**
- 4.11.10 In die geval van aansoek om permanente of langdurige vrystelling **van fisiese aktiwiteite moet die aansoek gerugsteun word met 'n mediese sertifikaat.**
- 4.11.11 Geen besoeke deur ouers gedurende klastyd nie.
- 4.12 **BINNE DIE SKOOL:**
- 4.12.1 Eet in die skoolgeboue is verbode, behalwe op reëndae wanneer slegs gedurende pouses in die gange geëet mag word.

Skoolreëls en gedragskode: LDU

- 4.12.2 Diere word nie in die klaskamer toegelaat nie (behalwe vir mondeling).
- 4.12.3 Speelgoed moet binne die skoolgebou buite sig gehou word. Kolwe en balle moet in die hoek van die klas by die onderwyser/es gesit word.
- 4.12.4 Voor skool en gedurende pouses mag geen leerlinge sonder spesiale **toestemming 'n klaskamer betree nie.**
- 4.12.5 Ons besoek die toilette net solank dit nodig is. Daarna was ons, ons hande.
- 4.12.6 Ons laat toilette en wasbakke soos ons dit self sou wil vind.
- 4.12.7 **As 'n leerling iets breek, moet dit sonder versuim aan die skoolhoof gerapporteer word.**
As leerders skoolieendom beskadig of verloor moet leerder dit self vervang.
- 4.12.8 Geen selfone word by die skool toegelaat nie.



Tiertjies het maniertjies!

Skoolreëls en gedragkode: LDU

4.13 OP DIE SKOOLTERREIN

- 4.13.1 Speel op aangewese plekke.
- 4.13.2 Geen bakleiery word toegelaat nie.
- 4.13.3 Ons gebruik nooit vuil- of skeltaal nie.
- 4.13.4 Geen gillery en skreeuery.
- 4.13.5 Kougom is absoluut verbode. Geen kougom nie.
- 4.13.6 Geen beskadiging, ontsiering of besoedeling van skool eiendom of enigiemand anders se eiendom mag plaasvind nie.
- 4.13.7 Gevaarlike speletjies, bakleiery of enige optrede waardeur iemand beseer of ander se klere of eiendom beskadig kan word is verbode op die skoolterrein.
- 4.13.8 **Dit is verbode om enige gevaarlike voorwerp wat 'n leerder kan beseer op die skoolterrein in jou besit te hê.**
- 4.13.9 Fietse mag slegs in die skool se fietsrakke geplaas word en nie op die skoolterrein gery word nie.
- 4.13.10 Enige artikel wat op die skoolterrein opgetel word, moet by die kantoor ingelewer word.
- 4.13.11 Leerlinge mag nie fasiliteite of toerusting van die skool, insluitende die vir sport, buite skoolure, sonder die toestemming van die hoof en sy gemagtigde gebruik nie.
- 4.13.12 **Geen skaatse of "roller blades" of skopfiets is toelaatbaar op die netbalbane nie.**
- 4.13.13 Slegs ingeskrewe Gr. R leerders mag die speelterrein by die Gr. R klas gebruik.
- 4.13.14 Ouers en ander privaat persone mag slegs hoofingang en aangrensende parkeerareas vir motors gebruik.
- 4.13.15 Slegs tekkies op die tennisbane.

Skoolreëls en gedragskode: LDU

5. KLEREDRAG:

Wat die leerlinge se kleredrag en voorkoms betref, geld die volgende reëlings: Sien aangeheg:

- 5.1 Die voorgeskrewe skool-en sportdrag is verpligtend vir skoolbywoning, amptelike skool- funksies en deelname aan georganiseerde skooltoere of uitstappies tensy anders gereël vir besondere geleentheid. Graad 1 tot 7 mag in die somer kaalvoet skool toe kom.
- 5.2 Na skool-ure word of die volle skooldrag gedra, of geen daarvan nie.
- 5.3 Leerders se skooldrag, naels en skoene moet skoon wees aan die begin van elke skooldag.
- 5.4 Sportdrag: Slegs amptelike voorgeskrewe sportdrag mag gedra word.
- 5.5 Leerders se hare moet netjies versorg, skoon en volgens die voorskrifte wees.
- 5.6 Seuns se hare moet kort, skoon en netjies wees. Geen snaakse haarstyle en stilering binne perke. Geen kleur of bleik nie.
- 5.7 Dogters se hare mag nie los hang nie.(Civi en Verjaarsdae ingesluit)
Lang hare moet gevleg of vasgebind word met 'n navy, wit of geel rekkie.
- 5.8 Dogters se naels mag nie lank wees nie en die aansit van gekleurde naellak is ontoelaatbaar.
- 5.9 Geen juwele soos oorkrabbertjies, ringe, armbande, borsspelde, halsnoere, kettings of soortgelyke versierings (uitgesluit pols-horlosies en klein dun goue of silwer ooringetjies of -knoppies) mag saam met skooldrag en gedurende skoolaktiwiteiete gedra word nie.

Skoolreëls en gedragkode: LDU

- 5.10 Gesiggrimering, die kleur van hare en lang of geverfde naels word nie saam met die skooldrag toegelaat nie.
- 5.11 Kouse moet opgetrek bly: hemde altyd netjies ingesteeek wees.
- 5.12 Leerders mag slegs erkende lapelwapens van Laerskool Dirkie Uys dra.
- 5.13 Skooltasse of boeksakke moet stewig en versterk wees om boeke ten alle tye te ondersteun.
- Geen slagspreuke mag op tasse geskryf/geplak word nie. Slegs naam **"tag", Tasse met wioletjies moet op die skooltrappe en gange gedra** word en nie rondgetrek word nie.
- 5.14 Leerders moet alle kledingstukke wat deel vorm van skool- en sportdrag met onuitwisbare ink merk.
6. Gedurende sang-, kuns- en ander praktiese klasse geld dieselfde dissipline as in die klaskamer.
7. AFWESIGHEID:
- 7.1 Indien iemand weet dat hy/sy die volgende dag om noodsaaklike redes afwesig sal wees, moet hy/sy die vorige dag by die Skoolhoof skriftelik verlof tot afwesigheid kry.
- 7.2 **Indien 'n leerling sonder verlof afwesig was, moet hy/sy die volgende dag 'n briefie van verskoning, deur een van die ouers onderteken** aan die klasonderwyser/es oorhandig.
Die rede vir afwesigheid moet gemeld word.
- 7.3 Dit is die leerder se verantwoordelikheid om sy tuiswerk te verkry en te doen sover as omstandighede dit toelaat.

Skoolreëls en gedragskode: LDU

8. AANSTEEKLIKE SIEKTES:

Ouers moet die skool verwittig indien daar aansteeklike siektes in die huis is.

9. LEERDERVERSLAE:

9.1 Opvoeders neem rapporte in en gee dit aan die einde van die jaar aan die leerders.

9.2 Na 'n eksamen word die rapporte huietoe gestuur, maar moet geteken deur een van die ouers/voog terug aan die skool gestuur word.

10. **ONS GLO DAT 'N BIETJIE BEDAGSAAMHEID, WELWILLENDEID EN SAMEWERKING DIE SKOOL VIR ONS ALMAL 'N AANGENAME PLEK SAL MAAK.**

11. Verder stel ons, dit ten doel om oral en altyd ware ambassadeurs van ons skool te wees en 'n positiewe beeld uit te dra.

